



**Bømlo Arbeidarparti**

**PROGRAM 2023 - 2027**

# **Heile Bømlo - Sterkare saman**

# Heile Bømlo - Sterkare saman

Samhald gjer oss tryggare. Det beste med å vera bømling er at her stiller alle opp for kvarandre. Me er best når dei viktigaste oppgåvene vert løyste saman. Små og store fellesskap, både i nærmiljøet og i kommunen me alle er ein del av – det er limet i Bømlasamfunnet.

Me vert sterkare saman.

## Kjære veljar

«Heile Bømlo – Sterkare saman» var tittelen på programmet vårt i perioden 2019-2023. Den teksten står seg like godt for perioden 2023-2027. For no må me stå saman om dei utfordrande oppgåvene som møter oss.

I perioden 2023-2027 meiner me fokuset må vera tryggleik i fellesskap. Me må samarbeida på tvers av bygdene våre for å utvikla oss vidare, -eit sterkt samhald gjer oss tryggare.

### **Bømlingar stiller opp for kvarandre!**

Bømlo Arbeiderparti sin politikk byggjer på verdiar som lokalt demokrati, tryggleik for einskildmennesket, likeverd og solidaritet.





I det politiske arbeidet vil me vera solide, trygge og samarbeidsvillige, med fokus på kva som er bra for Bømlo sine innbyggjarar på lang sikt. Bømlo Arbeiderparti vil arbeida for ein berekraftig kommune, der du opplever at di meining vert høyrd og teken omsyn til.

Viss du er einig i mykje i dette programmet, håper eg du stemmer på oss den 11. september!

Med venleg helsing

**Thomas Kråkevik-Liaøy**  
Ordførarkandidat



# God omsorg

Me har alle eit ansvar for eiga helse, og fellesskapet har ansvar for alle si helse. Nøkkelen til god helse er førebyggjning og tidleg innsats. Mykje av dette arbeidet skjer utanfor helsesektoren. Alle skal få eit likeverdig tilbod av helsetenester.

Eldreomsorg er ei kommunal kjerneoppgåve som ikkje skal konkurranseutsetjast og privatiserast. For å få nok tilsette i omsorgssektoren, må me gjera oss attraktive ved å tilby heile og faste stillingar slik at dei tilsette får ei løn å leve av, og er sikra god pensjon. Me vil arbeida for at tilsette får høve til å ta vidareutdanning og at ufaglærte får ta fagbrev.

God psykisk helse er viktig. Derfor vil me, saman med brukarrådet, utvikla Nyving for å nå fleire, og utvikla ein møteplass for alle, uavhengig av alder.



## DEI NESTE FIRE ÅRA VIL ME I BØMLO AP...

- arbeida førebyggjande for å fremja god helse og rask rehabilitering
- arbeida for å betre tilbodet innan fysioterapi og ergoterapi
- arbeida for å etablere omsorgsbustadar med nødvendig personale
- sikra nok personell i omsorgstenestene ved å få fleire i heile og faste stillingar
- arbeida for å sikre nok fastlegar
- fortsetje arbeidet med gode tilbod for personar med demens
- styrkja innsatsen innan psykisk helse og prioritere førebyggjande arbeid for barn og unge i Bømlo
- leggje til rette for bu-miljø der fleire generasjonar kan bu saman



# Trygt oppvekstmiljø

Barn og ungdom på Bømlo skal ha ein trygg og god oppvekst. Me vil sikra at det er gode barnehagar og skular, med nok tilsette.

Våre barn og unge må få kunnskap og sosial kompetanse for å vera rusta for vidare utdanning, arbeid og i livet elles.

Det skal vera like moglegheiter for alle, uavhengig av sosial bakgrunn.

## DEI NESTE FIRE ÅRA VIL ME I BØMLO AP...

- stå fast på tidlegare vedtak om nybygg til Våge skule
- at alle elevar skal oppleva meistring og få utfordringar tilpassa sitt nivå
- at det skal vera nok bemanning og rett kompetanse til å handtera dei utfordringane som er i barnehage og skule
- at det vert satsa vidare på kompetanseutvikling for pedagogar og fagarbeidarar
- arbeida for ei god utvikling av det vidaregåande opplæringstilbodet på Bømlo i takt med behovet i arbeidslivet vårt
- arbeida for at skulehelsetenesta har ressursar til å løysa den aukande utfordringa relatert til psykisk helse til barn og unge
- styrka samarbeidet med Bømlo vidaregåande skule og arbeidslivet for å sikra at bedriftene i kommunen får den kompetansen dei treng
- vera ein pådrivar for at det vert oppretta nok lærlingplassar, slik at ungdommane får fullført fagutdanninga si
- at alle kommunalt styrte verksemdar stiller krav om lærlingar når dei utformar anbudsdokument



# Kultur og frivillig arbeid

Bømlo har eit rikt kultur- og organisasjonsliv. Gjennom frivillig arbeid skapar me møteplassar for innbyggjarane våre, me utviklar fellesskap og lærer av kvarandre.

Det breie engasjementet i idrettslag, i kyrkjer og i bedehus, i grendelag og i ulike organisasjonar, skapar trivsel og medverkar til integrering og utjamning av sosial ulikskap. Mange legg ned eit utal av timar på dugnad i lag og organisasjonar. Kommunen må vera med å støtta dette fantastiske arbeidet slik at mange kan delta i eit godt og variert fritids- og kulturtilbod til ein fornuftig kostnad.

Det anerkjente kulturlivet vårt og det varierte organisasjonslivet gjer at Bømlo er ein attraktiv kommune å busetja seg i, og å besøkja.



## DEI NESTE FIRE ÅRA VIL ME I BØMLO AP...

- vera ein aktiv medspelar for idretten og det frivillige arbeidet
- leggja til rette for nyetableringar av aktivitetstilbod rundt i kommunen slik at særleg barn og unge har tilbod i sine nærområde
- bidra til at Kulturhuset får utvikla seg vidare og vera viktig arena for kulturlivet på Bømlo
- arbeida for å få etablert permanent utstilling av materiale frå andre verdskrig på Bømlo
- leggja til rette for eit allbrukshus for lag og organisasjonar med møteplassar for ulike aldersgrupper
- arbeida for at me får ein aktivitetspark i sentrum med t.d. leikeplass og skatepark
- bidra til å byggje fleire gode universelt utforma turløyper i samarbeid med lag og organisasjonar
- auka aktivitetsmidlane som kommunen fordeler og vurderer om det også kan gjevast støtte til drift



# Arbeidsliv, nærings- utvikling og samferdsle

Bømlo Arbeiderparti vil arbeida for me framleis skal ha eit rikt og variert arbeidsliv spreidd over heile kommunen gjennom å føre ein tydeleg politikk der kommunen er ein god medspelar for næringslivet.

Arbeidslivet på Bømlo må vera berekraftig, og målet er å vidareutvikla ein brei og robust næringsstruktur i kommunen slik at unge menneske vil bu og arbeida på Bømlo. Slik kan me få auka tilflytting til kommunen vår. Infrastrukturen og samferdsla må tilpassast både næringslivet og innbyggjarane.



## DEI NESTE FIRE ÅRA VIL ME I BØMLO AP...

- leggja til rette for jamlege dialogmøte med arbeidsgjevarar og tillitsvalde
- ha ein god dialog med Bømlo Næringsråd rundt næringsarbeidet og samarbeid skule-arbeidsliv
- følgje opp næringsutviklingsprosjekt i fiskerihamna på Langevåg, Serklau, Rubbestadneset og andre nye prosjekt
- leggja til rette for at bedrifter i etableringsfasen skal få hjelp til å utvikle seg
- støtte initiativ som fremjar utvikling av gründer- og entrepenørskapskompetanse hos born og unge
- sikre tilstrekkeleg med regulert areal, straum og vatn til næringsområda våre
- arbeida for finansiering frå fylket til vegstrekningar som ikkje vert realisert som del av Bømlopakke II
- ha fokus på trafikksikring og spesielt sikre skulevegen for borna våre
- fremje behov for meir kollektivtransport og hyppigare avgangar mellom delsentar, kommunesentar og regionsentar – både buss og båt – i tett dialog med ungdommane våre



# Klima, miljø og beredskap

Bømlo Arbeiderparti vil at Bømlo kommune skal vera ein pådrivar for å utvikla vidare vår vakre grøne øy i eit klima-, miljø- og trivselsperspektiv.

Bømlo har ein variert natur med store kvalitetar, og gode tilhøve for friluftsliv av mange slag. Framover vil me leggja betre til rette for at dei som har rørslehemming og andre utfordringar lettare skal kunna koma seg ut i naturen og nyta friluftsliv.



## DEI NESTE FIRE ÅR VIL ME I BØMLO AP...

- arbeida for at Bømlo har ein god beredskap og arbeida for å få til at eit legehelikopter har base i Sunnhordland
- at kommunen nyttar fornybare energiløysingar ved nybygg og renovering av kommunale bygningar
- sikra god tilgang til sjø for alle som bur på Bømlo. Det skal vera reelt høve for bømlingar til å skaffa seg båtplass, gjerne i fellesanlegg
- samarbeida med padleklubben og andre frivillige om å leggja ut fleire kajakkbryggjer i kommunen



# Ein godt organisert kommune

Bømlo Arbeiderparti trur på sterke fellesskapsløysingar, fordi me får til meir saman enn kvar for oss. For å sikra gode velferdstenester må me ha eit tett og nært samarbeid mellom kommunal verksemd, næringsliv og organisasjonsarbeid. Politiske parti, idrettslag, kulturelle samanslutningar, velforeiningar og andre frivillige lag og organisasjonar er viktige arenaer både for folk sitt engasjement, og for at ulike stemmer skal bli høyrde.

Innbyggjarane i Bømlo skal føla at dei høyrer til i lokalsamfunnet og kjenna nærleik til dei som bestemmer i kommunen. Bømlo Arbeiderparti ønskjer eit aktivt og levande lokaldemokrati som har reell makt over lokal utvikling.

Me skal vera garantistar for ei ansvarleg økonomisk styring, slik at born, ungdom og eldre får eit godt tilbod og blir tekne godt vare på.

## DEI NESTE FIRE ÅR VIL ME I BØMLO AP...

- arbeida for ein heiltidskultur innan alle tenestekområde
- bruka ungdomsrådet sitt engasjement og ta ungdommane med i avgjerdene
- sikra at ufaglærte i kommunen som ønskjer det, kan få ta fagbrev
- arbeida for ei enno betre integrering mellom anna ved at nye bømlingar snarast mogleg får bruka ressursane sine i arbeidsliv og samfunn. Me vil arbeida for at det blir mogleg for nye innbyggjarar å busetja seg i ulike delar av kommunen
- arbeida både for fortetting i lokalsentra, og desentralisert busetnad i kommunen





# Det gode liv på Bømlo

## DEI NESTE FIRE ÅRA VIL ME I BØMLO AP...

- arbeide for at det skal bli endå meir attraktivt å flytte til Bømlo og godt å bu her for alle
- bidra til at det vert skapt og halde vedlike velfungerande møteplassar i heile kommunen
- lytte til innspel og ha dialog med innbyggjarane og sikre godt samarbeid mellom kommunen, næringslivet og organisasjonane

**SAMSPEL ER NØKKELEN TIL Å FÅ DEI GODE LØYSINGANE**



# Våre kandidatar til kommunevalet 2023



**1**  
**Thomas Kråkevik-Liaøy (33)**  
Rubbestadneset



**2**  
**Siv Linda Vespestad (46)**  
Bremnes



**3**  
**Hans O. Robberstad (76)**  
Bremnes



**4**  
**Mari P. Totland (28)**  
Bremnes



**5**  
**Åge Bernhard Grutle (71)**  
Finnås



**6**  
**Tove Lise A. Aasheim (56)**  
Foldrøyhamn



**7**  
**Sverre H. Sørensen (58)**  
Rubbestadneset



**8**  
**Eline Kolbjørnsen (30)**  
Finnås



**9**  
**Hein Råby Schaug (59)**  
Bremnes



**10**  
**Amalie V. Aga (18)**  
Mosterhamn



**11**  
**David L. Næsse (19)**  
Urangsvåg



**12**  
**Birger S. Torgersen (47)**  
Rubbestadneset



**13**  
**Hilde B. Hopsdal (44)**  
Mosterhamn



**14**  
**Robert Katla Rolfsnes (32)**  
Bremnes



**15**  
**Ellen Marje Thorland (59)**  
Mosterhamn



**16**  
**Redi Youssef (35)**  
Foldrøyhamn



**17**  
**Per Einar Tveit (67)**  
Rubbestadneset



**18**  
**Ingrid Sørvik (35)**  
Bremnes



**19**  
**Sigurd Mikkelsen (50)**  
Bremnes




**20**  
**Aase Marie A. Rusten (53)**  
Rubbestadneset



**21**  
**Kristoffer Økland (32)**  
Bremnes



**22**  
**Sissel Johnsen (61)**  
Bremnes



**23**  
**Hans Gunnar Skreslett (62)**  
Bremnes



**24**  
**Sigrun Marit Hansen (78)**  
Foldrøyhamn



**25**  
**Svanhild M. Vespestad (77)**  
Langevåg

FULLSTENDIG PROGRAM  
FINN DU PÅ:

[bomlo.arbeiderpartiet.no](http://bomlo.arbeiderpartiet.no)

FØLG OSS PÅ FACEBOOK

Vil du bli  
medlem, send  
**SMS til 2077**



**Bømlo Arbeidarparti**